


**KOMMUNIMUT PILERSAARUMMUT TAPILISSAQ 3A8-4, IIMINAQ, NUUK
JUUNI 2021**



KOMMUNIMUT PILERSAARUMMUT TAPILIUSSAQ SUUGAMI?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq) pisussaavoq, kommunimut pilersaarummik pisariaqartutigit malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Taamaattorli taakku saniatigit Kommunalbestyrelse pisussaalluni, sukumiisumik aalajangersagartalimmik kommunimut pilersaarummut tapiliussaliussalluni:

- Nuna tamakkerlugu pilersaarusiornernerup kommunillu pilersaarusiornernata piviusunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit isaterilinnginnermi.

Kommunimut pilersaarummut tapiliussaq marlunnik immikkoortortaqaqpoq, **NASSUIAATITAA** aamma **AALAJANGERSAGARTAA**.

- **NASSUIAAMMI KOMMUNIMUT PILERSAARUMMUT** tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq nassuiarneqarput.
- **AALAJANGERSAGARTAA AALAJANGERSAKKANIK** pilersaarummik piviusunngortitsinnermi malinnaatitsissutigineqartussanik imaqaqpoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit aalajangersagartaa inatsisitigit pituttuisunik ilanngussanik nunap assitaqaqpoq.

TAMANUT SAQQUMMIUSSISARNEQ

Kommunimut pilersaarummut tapiliussap inaarutaasumik akuerineqannginnerani kommunalbestyrelsip tapiliussassatut siunnersuut tamanut nalunaarutigissavaa, taamaalillutik innuttaasut soqutiginnittullu allat pilersaarutit imarisaanik paasiniaasinnaatillugit immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutit inaarutaasumik akuersissutigineqannginnerani Kommunalbestyrelsip akerliissutaasinnaasut allannguutissatullu siunnersuutaasinnaasut nalilersussavai.

Siunnersuut Kommunimut pilersaarummut tapiliussaq 3E5-5 pillugu tusarniaassutigineqarpoq piffissami 1. **juunii - 13.juuli 2022**. Oqaaseqaatit kingusinnerpaamik **13. juuli 2022** uunga nassinneqareersimassapput:

PLAN@SERMERSOOQ.GL

PILERSAARUT SUMI ATUARNEQARSINNAAVA?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunik sullissivianut imaluunniit Sanarfinermut Avatangiiisnullu Ingerlatsivimmu Kuussuaq 2, 3900, Nuuk oqarasuaat 36 74 00-mut saaffiginnillutit pissarsiarisinnaavat.

IMARISAI

1. NASSUIAAT	4
1.1 PILERSAARUSIORFIK	4
1.2 SIUNERTAA TUNNGAVIILU	5
1.3 PISSUTSIT PIOREERSUT	6
1.4 PILERSAARUTIP ILISARNAATAA	10
1.5 PILERSAARUMMUT ALLAMUT PISSUTSIT	15
1.6 PILERSAARUSIORNERMUT TAPILIUSSAP INATSISITIGUS ATUUFFII	16
2. AALAJANGERSAKKAT	18
3. AKUERSINERMI ATSIORNEQ	26
4. ILANNGUSSAT 1-4	27 - 31

1. NASSUIAAT

1.1 PILERSAARUSIORFIK

Pilersaaruteqarfik liminaq 3A8 Kangillinnugit kangiutungaani aamma Eqalunnguit Tasiata Qullip – Annersuarmik taasagaata avannaatungaani inissisimavoq.

liminaq qoorortaq Attartup Qoorua tikillugu killeqarfeqarpoq, tassa 3D7-imi nunaminertaq sanaartorfioqqusaanngitsoq. Avannamut kangimullu killeqarfia tassaalluni immap killinga sanaartorfioqqusaanngitsoq 3D8, aamma avannamut kangiutungaa immikkoortup ilaani takuneqarsinnaalluni Qussussuup Tungaani 3D2-mi iliveqarfik. kujammut killeqarfia tassaalluni sanaartorfioqqusaanngitsoq Annersuaq 3D1.

Pilersaaruteqarfik 7,9 ha missaaniippoq, immikkuualuttortaalu tallimaallutik. A, B, C, D aamma E. Immikkuualuttoq A sanaartorfioqqusaanngilaq, B-E inissiaqarfissatut meeqqerivimmullu ataatsimut (immikkuualuttoq E) atugassiaapput. B-mi ilaqutariinnut illut affarleriilluunniit, C-mi ataatsimik quleriillit uiguleriiaat aamma immikkuualuttoq D-mi ilaqutariinnut arlalinnut inissiat immikkoortut sisamat marlunnik quleriillit tamarmik immikkut pingasut tungaanut inissiatallit. Immikkuualuttoq E-mi sanaartorfissaq inissiaqarfissatut imaluunniit najugaqarfissatut atugassiaavoq.



Takussutissiaq 1 Kortimi
takuneqarsinnaavoq, immikkuualuttoq
3A8 aamma immikkuualuttut A-miit E-
mut kiisalu taakkununga atasut
immikkoortut ilaat.

1.2 SIUNERTAA TUNNGAVIILU

Kommunimut pilersaarummut tapiliussami siunertaavoq, sanaartukkat aaqqissugaanerat attatiinnarneqarnissaa, suli ataqatigiissaarluarnerunissaa assigiissaarneqarnissaallu, kiisalu inissiaqarfiup ineriartortinneqarnerata attanneqarsinnaasuunissaanut pilersaarusiornermi tunngavissaqarnissaq.

Kommunimut pilersaarummut tapiliussami pineqarpoq, immikkoortup ilaata 3A8-p allineqarnissaa kiisalu sanaartorfissamik ataatsimik nutaamik ilaqutariinnut ataatsinut illumut imaluunniit najugaqarfissamut atugassanngortitsinissaq. Taamatut allilerinissaq kiisalu sanaartorfissap inissisimaffia aamma immikkuualuttumi C-mi uiguleriiaat alliffissarisinnaasaat ilanngussaq 2-mi takuneqarsinnaapput.

Kommunimut pilersaarummut tapiliussakkut ugguuna immikkoortup ilaani immikkuualuttoq E allineqarpoq, sumiiffiup avannamut kitaatungaa sissap killeqarfiata tungaanut aamma Nuup Kangerluanut kiisalu kujammut kangiatungaa sisoraatinik arpattarfiup tungaanut sammernngani immikkuualuttoq B allineqarpoq.

Kommunimut pilersaarummut tapiliussaq imaattunik siunertaqarpoq:

- Sanaartukkanik ilusileeriaatsip ataqatigiissagaanera attatiinnarneqarnissaa sulilu pitsaanerulersinneqarnissaa, nutaanik inissialiorneq aneerfissaliornelru inooqataanikkut, aningaasaqarnikkut avatangiisillu eqqarsaatigalugit nammanneqarsinnaasunik sanaartornissaq
- Immikkoortup ilaanik allilerinermi siunertaavoq, sanaartorfissamik ataatsimik nutaamik inissamut najugaqarfimmulluunniit atugassanngortitsinissaq.
- Uiguleriiaat pioreersut allilerfissaqarnissaannut periarfissiinissaq, taamaalilluni immikkoortoq tamanna siunissamut qulakkeerneqarniassammat.
- Immikkoortup ilaani inissiaqarfiup tungaanut aqquuserngani ingerlaviit immikkoortiterneqarneri allanngortinnerisigut pisinnaarnut biilertunullu angallannermi isumannaannerulersitsinissaq.

Kommunimut pilersaarummut tapiliussami qulakkeerneqassaaq:

- Immikkoortup ilaa eqqarsaatigalugu Kommuneqarfik Sermersuumi Illuliortaatsimut politikki atuuttoq malinneqassasoq.
- Immikkoortup ilaanik ineriartortitsinermi Naalagaaffiit Pegatigiit nunarsuaq tamakkerlugu anguniagaat eqqumaffigineqassasut.
- Nammannissinnaassusermi sammiviit assigiinngitsut pineqarput, inooqataanikkut, aningaasaqarnikkut, politikkikkut avatangiisinullu tunngasut pineqarlutik.
- Kommuneqarfik Sermersuup sissaq sinerlugu aqqusineeraliornissamik periusissiaata ingerlateqqinneqarnissaa suli periarfissaassaaq.


1.3 PISSUTSIT PIOREERSUT


Sanaartukkat

Sanaartukkat pioereersut tassaapput ilaqutariinnut ataatsinut illut uiguleriaallu. Immikkoortup ilaa sumiiffiup qeqqani qattunermiittoq innaarsuttami sanaartorfissatut atugassiaavoq. Ilaqutariinnut ataatsinut illut innarsuup killinganiittut akuttusuumik inissisimapput, taamaalilluni illut akorngi isikkivissaqartillugit. Immikkoortup ilaata qeqqani, quassuttap qiterpasissua atuarlugu uiguleriaat qiterliullutik inissisimapput. Immikkuualuttoq D-p kujataatungaani immikkoortunik sisamanik inissiaqarpoq.

Nunataq nunallu ilusaa

liminaq portusuumi qattorngup qaavani inissisimavoq, Nuup Kangerluanut, Akianut Sermitsiamullu isikkiveqarluni. Sumiiffiup kujataatungaa qattuneraraa, tassani qaqqajunnat marluk immikkuullarequtaallutik, taakkulu avannaatungaa kujataatunganullu killeqarfittullusooq ipput. Tassangaaniit qooroq Attartup Qoorua atuarlugu sivinganerani liminami sissap tungaanut inissiaqarfeqarpoq. Sumiiffiup sivingasuunera inissiat saarliit nunami pukkinerumaamiikkamik immap tungaanut isikkivigissaarnissamik periarfissaqartitsivoq.





+ Imaatigut Ungasissuseq 100 m

+ Nunakut Ungasissuseq 100 m



Sanaartorfiunikoq



Nunataq
sanaartorfigineqaqusaanngitsaq




Taseq masarsulluunniit



Sissaq

Takussutissiaq 2. Diagrammimi takutinneqarpoq, liminami eqqaanilu nunaminertat atuuffii. Iliminaq kangimut Kangillinnguit Quassussuullu tungaanut aqqutaani sumiiffiit sukisaarsaarfissaqqissut killeqarfiata tungaaniippoq. Sumiiffik sanaartorfioqqusaanngitsunik nunaminertaqaalunna isikkiviginneralu pissutigalugit orniginartuuvoq.



Takussutissiaq 3. Diagrammimi takuneqarsinnaavoq, immikkoortup ilaani nunaminertat sorliit sanaartorfinnginnersut (immikkuualuttoq A). Sumiiffiit sanaartorfioqqusaanngitsuni immikkuullarequtaasut tassaapput qaqqajunnat allanngortinneqartariaqanngillallu imaluunniit liminami sukisaarsaarfissatut atugassianngorlugit.



Takussutissiaq 4. Assimi qullerpaami takuneqarsinnaavoq, liminap avannamut killingani nunaminertaq sanaartorfioqqusaanngitsoq. Nunaminertaq qoorortap tungaanut (assini allerpaani takuneqarsinnaasutut) sissallu tungaanut sivingasuuvog.



Takussutissiaq 5. Immikkuualuttoq C-tut taaneqartog inissiaqarfiup qeqqaniippoq, ataqatigiissitsilluartutut illuni, tassani uiguleriiaat eqimasut pingasut taakkulu tungaanut aqquserngit. Illuliortaatsikkut naleqassusia uteqqiattutut ippoq – uiguleriiaani eqimasuni aneerasaartarfiit, isertarfiit quillu assigiiaarput.



Takussutissiaq 6. Assimi saamiatungaani takuneqarsinnaapput, immikkuualuttoq C-mi uiguleriiaat aningasunik isertarfillit. Assimi saamiatungaani immikkuualuttoq B-mi ilaqutariinnut ataatsinut marlunnulu illut takuneqarsinnaapput. Tunuliaqutaani immikkuullarissitsisutut illuni Sermitsiaq ippoq, sumiiffimmilu tassa immikkuualuttoq B-mi illut akunneqarluaramik sammivinniit

1.4 PILERSAARUMMI PINGAARNERIT

PILERSAARUMMUT NASSUIAAT – PIUJUARTITSISUMIK ILLULIORNEQ AAMMA INISSIAQARFIK

Illoqarfiit Pingaarnersaat pillugu Periusissiamut "Nuuk - Issittumi illoqarfiit pingaarnersaat" (2016) akuersissutigineqarpoq, Nuuk silaannaap pissusaanut naleqqussaalluni illuliornermut atatillugu piujuartitsinermut siuttuussasoq. Iminaq ilaqutariinnut ataasiakkaanut inissianut najugaqarfissatullu nutaatut tunngatillugu ajornartorsiummik suliaqarfissatut piukkunnartuuvog.

Piujuartitsisumik illuliorneq pineqartillugu avatangiisit, inooqataaneq aningaasaqarnerlu aallaaviatigut isigineqassapput. Tunngaviit pingasuusut taakkua pissutsit assigiinngitsut, piujuartitsisumik illuliornissami ilaatinneqartussaasut imarivai, sanaartugaq ataatsimut isigalugu, piffissami atasinnaassusaani oqimaaqatigiissitsinissaq pingaartinneqarluni. Avatangiisit eqqarsaatigalugit pitsaassuseq pinngortitamut, avatangiisinut, silap pissusianut isumalluutinullu sunniuteqartarpoq. Inuunerup pitsaassusaa atituumik isigalugu inuit peqqissusaannut inuunerinnissaannullu tunngavog. Aningaasaqarneq pitsaassuuppat, aningaasartuutit ataatsimut katinneri aamma sanaartukkap pitsaassusaa eqqarsaatigalugu oqimaaqatigiinnermik nassataqartarpoq.

Inissiat nutaat najugaqarfiillu nutaat taamaalillutik pitsaassusissamik uuttuinnermi aamma sanaartornermik piujuartitsinermik tunngaveqartumik eqqortitsinissaq siunnerfigineqassaaq:

Avatangiisit eqqarsaatigalugit pitsaassuseq

- Sanaartukkap piffissami atasinnaassusaani najukkami, nunap ilaani nunarsuarmilu avatangiisinut sunniutitik aamma nukissanik atuinerup, isumalluutit imermillu atuinerup millisinneqarnisai.
- Sanaartukkamut isumalluutitik atorluaaneq qaffasinnerpaaffianiitissallugu ilaatigut sanaartukkamit igitassat minnerpaaffianiitissallugit aammalu sanaartukkap inaarsariartornerani atoqqinneqarsinnaasut pitsaanerpaamik atorluassallugit.
- Atortussiat pitsaanngitsut minnerpaamik atorineqarnissaat imaluunniit atorineqanngilluinnarnissaat.
- Nunaminertap illuliorfissap sukumiisumik atorluarnissaa aammalu sumiiffiup assigiinngisitaartuuneranik piujuartitsineq imaluunniit pitsanngorsaaneq.

Inuuniarnermut tunngasuni pitsaassuseq

- Peqqinneq, peqqinnissamut atortut illup iluatalu silaannaa qitiutinneqassapput.
- Isumannaallisaaneq, toqqissisimaneq aammalu tamanit tikikkuminartuunissaa qitiutinneqassapput.

- Pitsaasumik misiginissaa, illuliortaatsimit atortutigullu pitsaasumik ikorfarneqartumik, silataani qanittuanilu pitsaasunik atortorissaaruteqartoq, tamakku tamarmik illumik atuisunut eqqaamiuinullu pitsaasumik pilersitsillutillu sunniuteqaqqullugit
- Akisussaassuseqartumik niuernerit aammalu sanaartukkamut atortussat aamma kiffartuussinerit sumingaanneerit takuneqarsinnaasut.

Aningaasaqarneq eqqarsaatigalugu pitsaassuseq

- Aningaasaqarnerup tamakkiisup aamma sanaartukkap ataatsimut isigalugu pitsaassusaata oqimaatigiinnerat.
- Piffissap ingerlanerani naleqassusiata aalaakkaasuunissaa, qaffasissumik pitsaassuseqarnissaa aammalu annertuumik tamatigoortuunissaa qulakkiissallugu.
- Illumut nunaminertat sukumiisumik atorluarneqarnissaat.


Paasissutissanik pissarsiffik: Angallannermut Sanaartormullu Aqutsisoqarfik (2016) Piujuartitsisumik Sanaartorneq, Saqqummersitaq siulleq 2015 (nutartigaa). København: Energistyrelsen

Illut uiguleriit allilernerneqarnissaat

Matumani Kommunimut pilersaarummut tapiliussami sukat atorluarsinnaanissaat aamma quit pioreersut inissianut atorluarsinnaanissaat, inissiat piffissamut naleqqussarniarlugit, periarfissiissutigineqarpoq. Allilernera illut uiguleriit illuliorneqarneranut atatillugu isikkuanut naleqqutissaaq, illullu sammivia malinneqassaaq tulluartaullunilu (takukkit takussutissiaq 5 kiisalu takussutissiaq 6).

Aqquserngit

Aqqusineq allanngortinneqassaaq inissianut aqqusinngortillugu (Naleqqiuguk ilanngussaq 9), maannakkut illoqarfimmi aqqusinernut nalunaarsorneqaqqammat. Inissiaqarfimmi toqqissisimanerunissaaq anguniarlugu taamaaliortoqarpoq. Tamatuma kingunerisaanik illu uiguleriit ilaat allilernerneqarsinnaanngussapput aqquserngup killinga nikisinneqassammat.



Takussutissiaq 9 Aqquserngut assigiinngitsut agguataarneri

Nunap isikkuata attatiinnarneqarnissaa

Immikkoortumi qaqqajunnat qooqqullu akornanniittut ilisarnarlunnartut attatiinnarneqassapput (takukkit takussutissiaq 3). Tamanna pillugu immikkuualuttumi liminap avannamut nuuata tungaani taamaallaat sanaartornissamut periarfissaqarpoq. Tamatuma saniatigut siunissami sanaartornissamut atatillugu sukisaarsaartarfiusinnaasoq nunaminertaq annertoq ataqatigiissorlu illuliorfigineqassanngitsutut immikkoortinneqassaaq.

Sanaartornermi saanngutit naasullu attorneqartut iluatigineqassapput toqqorlugillu sanaartornerup aallartinnginnerani, sanaartortoqareerpallu isikkumisut pilerseqqinneqarluni. Nunaminertat ataatsimoortarfiit ilusilersorneqassapput, sanaartorfippalaarunnaarsillugit, naammassisutut isikkoqalersillugit.

Sanaartorfissagissaanermi sanaartornermullu tunngatillugu allanik suliaqarnermi sapinngisamik nuna mianersuunneqassaaq. Nuna ajoqusigaq isikkumisut pilerseqqinneqassaaq. Atortussiat sinneruttut, soorlu qaartiterinermiit ujaqqat, nuna, ujaqqat assigisaalu Kommunimit isumaqatigiissuteqarnikkut peerneqassapput Kommuneqarfik Sermersuumillu pigineqarlutik.

KOMMUNEQARFIK SERMERSUUMI ILLULIORTAATSIMUT POLITIKKI

Kommunalbestyrelse illuliortaatsimut politikkimik akuersissuteqarnikuuvoq, tassani kommunimi ilaatigut nutaanik sanaartornermi naleqartinneqartut allassimallutik. Ilaatigut naleqartitat ilagaat:

ILLULIORTAASEQ KINAASSUSEQALERSITSISOQ

- Illuliorfiit immikkut ittut najugaqartullu kinaassusiisa eriagineqarnissaat. Immikkoortoq kinaassutsimut tunngatillugu tassaatinniarneqarpoq inissiaqarfik illoqarfissuup aamma nunap angisuup/sukisaarsarfiup killeqarfiisa akornaniittoq.

INISSIAT INUUNERULLU PITSAASSUSAA

- Inissiaqarfik timikkut tarnikkullu peqqissuunissamut tunngaviliissaaq. Kommunimut pilersaarummut tapiliussaq naapertorlugu immikkoortumi pitsaassutsit ataqqillugit piujuartitsisumik takorluugaqartumik illuliornissamut tunngaviliissaaq.

ILLOQANNGINNERSAT ILLOQARFIMMILU INUUNEQ

- Silami aneerfissat ineqartunut qassinilluunniit ukioqaraluartunut sulerigaluartunullu toqqissisimanartumik attaveqarnissamullu naapinnissamut ataatsimoorinnissamullu periarfissiipput. Silami nunaminertat inunnut atorneqarnissaat toqqissisimanartuunissaallu biiliniit pingaarnerutinneqassapput.

VERDENSMÅL

FN-ip piujuartitsinissaq pillugu nunarsuarmut anguniagaasa 8-t aallunneqarnissaat Kommunalbestyrelsip 2019 aallartilaartoq akuersissutigivaa. Kommunimut pilersaarummut tapiliussami makkua pineqarput:



MÅL		HVORDAN
	ANGUNIAGAQ 11: Illoqarfiit najukkamilu inuiaqatigiit piujuartitsisut	Pilersaarummut tapiliussap illuliortaaseq patajaatsoq qulakkiissavaa, illoqannginnersanik pitsaasunik neqerooruteqarnissaq, piffissap ingerlanerani nutaaliaasunit assigiinngitsunit ineriartornerlu ilutigalugu atorsinnaasut.
		Pilersaarummut tapiliussap illoqarfimmi immikkoortut tamanit atorneqarsinnaasut sukisaarsartarfiillu tamanit angallaffigineqarsinnaaneri uninngaarfigineqarsinnaanerilu qulakkiissavai.

	ANGUNIAGAQ 12: Akisussaassuseqartumik atuineq nioqqutissiornerlu	Pilersaarummut tapiliussap sanaartugaq patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.
---	---	--

1.5 PILERSAARUMMUT ALLAMUT TUNNGASSUTILLIT

1.5.1 NUNA TAMAKKERLUGU PILERSAARUSIORNEQ

Pilersaarusiornermut tapiliussaq nuna tamakkerlugu pilersaarusiamut naapertuuppoq.

1.5.2 KOMMUNIMI PILERSAARUT

Kommunimut pilersaarusiornermut tapiliussamut kommunimi pilersaarummut atuuttumut naapertuuppoq.

1.5.3 QANGANITSAT ERIAGISASSAT IMAALIINNARLUGIT PEERNEQARSINNAANNGITSUT

Kommuneqarfik Sermersooq nunap ilaani qanganitsanik eriagisassanik nassaassaqaqneranik ilisimasaqanngilaq. Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq nunap ilaani nunamik suliaqarneq naapertuuppoq.

1.5.4 AVATANGIISEQ

Assaanermut suliaqartorneranut atatillugu nunap ilaani mingutsitsinermik siumugaqaraanni, Kommuneqarfik Sermersooq erngertumik attavigineqassaaq.

1.5.5 TEKNIKKUT PILERSUINEQ

Pisortanit kallerup inneranik, imermik, kuuffissuarnut kiisalu kiassarnermut attavilersuisoqartillugu sanaartorfiit nutaat attavilerneqassapput.

Nunap ilusaata ataatigut kallerup inneranut, imeqarfinnut, kuuffissuaqarfinnut kiassarnernullu atatillugu pilersuineq suliarineqassaaq.

Nunap ilaata iluani pisortani teknikkikkut atortunik inissiisoqarsinnaavoq, soorlu transformerstationit nunap ilaani sumiiffimmi pilersuineri. Tranformerstationinik inissiisoqassatillugu Nukissiorfiit isumasioqatigineqassapput.

Kiassarneq

Sumiiffimmi kiassarnermut tunngasunik pilersuisoqassatillugu Nukissiorfiimmi malittarisassat naapertorneqassapput.

Kuuffissuarnut attaviliineq

Sanaartugaq imikoq pillugu iliuusissatut pilersaarut naapertorlugu pisortat kuuffissuaataannut attavilerneqassaaq.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaassanani.

Nutarterineq

Sumiiffimmi Kommuneqarfik Sermersuup nutarterinermut aaqqissuugaanit qaqugukkulluunniit piffissaligaanngitsumik malittarisassiani ilaavoq.

Aputaajaaneq apummillu assartuussineq

Nunap ilaani imerpalasunngortitsineq soorunami apummik katersanik nunaminertat annikillissavaa. Taamaattumik immikkoortup iluani aqquuserngit, biilit unittarfii, pisuinnaat aqqutaat nunaminertallu sanaartorfiunngitsut aserfallatsaaliorneqarnissaat siunertaralugu peqatigiiffimmik peqariinngippat, pilersitsisoqassaaq. Peqatigiiffiit pigineqartut namminneerlutik maleruagassanik inississuisinnaapput. Apummik assartuisitsineq Kommuneqarfik Sermersuup isumasioqatigineratigut ingerlanneqarsinnaavoq.

Sanaartorfissagissaanermi nammineq akiliutissat

Kommuneqarfik Sermersuumit sanaartorfissagissaaneq isumagineqassaaq. Immikkoortumi sanaartorfissagissaanermut aningaasartuutit illuatungeriillu akornanni agguataarneqartussat akilersuinissamut malittarisassatigut immikkut ittutigut takuneqarsinnaassapput.

1.5.6 PILERSAARUTINIK ATUUTSITSIUNNAARNEQ

Pisortatigoortumik nalunaarutiginninikkut kommunimut pilersaarusiornermut tapiliussamut 3A8-4 liminaq, Nuuk atortussanngortitsinermi kommunimut pilersaarusiornermut tapiliussaq 3A8-3 atorunnassaaq.

1.5.7 SAQQUMMIUSSINEQ

Kommunimut pilersaarummut tapiliussaq 7. julip 2021-mi septembarip ulluisa 1. tungaanut sapaatit akunnerini arfinilinni tamanut tusarniaassutigineqareerpoq.

1.6 PILERSAARUSIORNERMUT TAPILIUSSAP INATSISITIGUT ATUUFFII**1.6.1 INAARUTAASUMIK INATSISITIGUT ATUUFFII**

Kommunalbestyrelse kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni, tak. kapitali 8. (*Pilersaarusiornermut Inatsimmi § 29*).

Kommunimut pilersaarutip imaluunniit kommunimut pilersaarummut tapiliussap inaarutaasumik akuerineqarneranik § 25 malillugu tamanut nalunaaruteqarnerup pereernerani, § 50 naapertorlugu immikkut akuersissuteqartoqarsimatinagu, inatsisinik imaluunniit pissutsinik piviusunik tunngaveqarluni kommunimut pilersaarutip aalajangersakkanut immikkoortuanut, tak. § 14, imm. 2 nr. 3 aamma § 14, imm. 3, imaluunniit nunaminertanik tunniussinermi atugassarititaasunut, tak. § 46 akkerliusunik pilersitsisoqassanngilaq. (*Pilersaarusiornermut Inatsimmi § 30*).

Immikkut ittumik akuersineq sumiiffiup ilaanut aalajangersimasumut kommunimut pilersaarummi aalajangersakkat tunngaviinut akkerliunngippat, sumiiffiup ilaanut aalajangersimasumut aalajangersakkat sukumiisut, tak. § 14, imm. 3, saneqqunneqarnissaannut immikkut ittumik akuersissuteqarnerit kommunalbestyrelsimiit nalunaarutigineqarsinnaapput. (*Pilersaarusiornermut Inatsimmi § 50*).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunnit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqasasut.

2 AALAJANGERSAKKAT

Matumuuna Kommunalbestyrelse aalajangersaavoq aalajangersakkani tulliuttut inatsit malillugu *"Inatsisartut Inatsisaat nr. 17, 17. november 2010 pilersaarusiornermut nunaminertamillu atuineq"* (Pilersaarusiornermut Inatsit).

Aalajangersakkat agguarneqarput § 20-mi aalajangersakkat pingaarnert kiisalu § 21. aalajangersakkat sukumiinerusumik nassuiakkat.


Aalajangersakkat tamarmik inatsisitigut pituttorsimapput, immikkulli ittumik aalajangersakkat sukumiinerusumik nassuiakkanut piumasaqaatit immikkoortinneqarsinnaapput. Aalajangersakkat pingaarnersai pilersaarutip imarisaanik saqqummersitsisuupput, taamaasilluni immikkut akuersissuteqartoqarsinnaanngilaq aalajangersakkat uku tunngavigalugit.

§ 20. AALAJANGERSAKKAT PINGAARNERIT NUTAAT

IMMIKKOORTUP ILAATA KILLILERSORNEQARNERA

Imm. 1: Sumiiffimmi immikkoortoq killeqartinneqarpoq ilanngussaq 1-imi takutinneqartut. Immikkoortup ilaa katillugu 7,9 ha-it missaannik annertussuseqarpoq.

Imm. 2: Immikkoortup ilaa immikkuualuttunut makkununga agguataarneqassaaq A, B, C, D aamma E



1. SIUNERTAQ

Ammasumi pukkitsunik inissianik sanaartorneq (A1)

2. ATUINEQ	
Imm. 1:	Immikkoortup ilaa inissianut siunertaqartunut atorneqarnissaa killilimillu inuussutissarsiutinut naleqqussarneqarnissaanut periarfissaqarnissaa aalajangersarneqarpoq. Immikkoortup inissiaqarfiunera allanngortinneqassanngilaq.
Imm. 2:	Immikkoortup ilaani atortuusivinnik mikinerusunik immikkoortup teknikkikkut pilersuineranut atugassanik illulianut naleqqussakkanik pilersitsisoqarsinnaavoq.
Imm. 3:	Pilersaarutaasoq una atorlugu immikkoortut ilaannik tallimanik ikkussisoqassaaq:
	Immikkuualuttoq A sanaartorfigeqqusaanngilaq, ilaatigut qaqqajunnaqarnera nasiffeqarneralu pissutaallutik sanaartorfissanik ikkussisoqassanngilaq.
	Immikkuualuttoq B inissianut atugassiaavoq. Immikkoortumi nunaminertanik atoriaannaasoqarneratigut pinnguarterfinnik, sukisaarsaarfinnik uninngaarfinnillu sanaartornissamut periarfissaqarpoq.
	Immikkuualuttoq C-D inissianut atugassiaavoq.
	Immikkuualuttoq E inissianut kiisalu najugaqarfittut atugassanngortinneqarpoq.
3. SANAARTUGAQ	
Immikkoortup ilaata nunataanut sanaartukkanullu allanut naleqqussakkanik sanaartukkanik nutaanik alliliinernillu inississuinissamut ilusilersuinissamullu periarfissiisoqarpoq.	
4. INISSAQASSUSEQ	
Sanaartorfissatut atugassiissutit atorneqareerpata, immikkoortoq tamakkerluni sanaartorfigineqareersutut inissaqartitsiffiunngitsutullu isigineqalissaaq.	
5. ERIAGISARIAQARTUT	
Immikkuualuttoq A-mi qaqqajunnat tamarmik allanngortinneqassanngillat, taamaammat sanaartorfiusinnaanngilaq.	
6. KILLEQARFIIT PIUMASAQAATEQARFIUSUT	
Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, narlorissup iluani aamma nunap immamit qatsinnerussusianut aalajangiussat iluanni mikkiartornermi qangattalernermilu akornutaasoqaqqunagu. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassani illut immamit qatsissuseq 127,5 qaangerlugu sanaartoqqusaanatik aqquuserngillu sanaartorneqarnerini immamit qatsissuseq 121,5 qaangeqqusaanagu.	
7. AQQUSINERTIGUT ANGALLANNEQ TEKNIKKIKKULLU PILERSUUTIT	
Imm. 1:	Ilanngussaq 2-mi takutinneqartutut immikkoortup ilaanut aqqusineqassaaq.
Imm. 2:	Immikkoortup ilaani aqquuserngit inissianut aqqusinertut isigineqarput, tak. Kommunimut pilersaarummi aalajangersakkat atuuttut.

§ 21. SUKUMIISUMIK AALAJANGERSAKKAT

1. BEBYGGELSENS PLACERING

Imm. 1: Nutaamik sanaartukkat taamaallaat sanaartorfissami ilanngussaq 2-mi takutinneqartutut inissinneqarsinnaapput.

2. SANAARTUKKAP ISIKKUA

Imm. 1: Immikkoortup ilaa immikkuualuttunut tulluuttunut 5-inut agguataarneqarpoq: A, B, C, D aamma E ilanngussaq 2-mi takutinneqartutut.

Imm. 2: Nunataata ajornartinngippagu, ataani etage tamakkiisumik ilaannakortumilluunniit inissiatut aamma quitut atorneqarsinnaavoq.

Imm. 3: Toqqaviit taakkulu nunamiit portussusilerneqarneri nunamiit qaffasinnerutinniaraani toqqaviit pisariaqartitsineq sinnerlugu portussusilerneqassanngillat.

Immikkuualuttoq B

Imm. 4: Sanaartorfissap immikkuualuttoq E-p iluani sanaartugaq 180 m² sinnerlugu angissuseqassanngilaq.

Imm. 5: Sanaartorfissani ataasiakkaani sanaartukkap portussusaa nunamit qummut annerpaamik 7,5 meterisut portussuseqassaaq. Nunami pioreersumi portunerpaaffik ima paasineqassaaq, illup toqqavia atuarlugu nunap portunerpaaffia.

Imm. 6: Sanaartugaq quleriussanngilaq qaliaali imaluunniit kiileri initaqarnissaanut periarfissaqarpoq.

Immikkuualuttoq C

Imm. 7: Illooreersunik alliliinerit ilutsimikkut, atortumikkut qalipaaticimikkullu sanaartugaareersunut tulluartautinneqassapput avatangiisinullu naleqqussallugit.

Imm. 8: Inissianik allilerineq illup pioreersup tallissutigissavaa taannalu illup isuani inissiamut attuumassuteqassaaq.

Imm. 9: Inissiaareersumi kiileri, qilaami inissiaareersumullu qui inissiatut atorneqarsinnaapput.

Immikkuualuttoq E

Imm. 10: Sanaartorfissani ataasiakkaani sanaartukkap portussusaa nunamit qummut annerpaamik 7,5 meterisut portussuseqassaaq. Naleq ilanngussaq 2. Nunami pioreersumi portunerpaaffik ima paasineqassaaq, illup toqqavia atuarlugu nunap portunerpaaffia.

Imm. 11: Sanaartugaq quleriussanngilaq qaliali imaluunniit kiilerimi initaqarnissaanut periarfissaqassalluni.

Imm. 12: Sanaartorfissaq nr. 7 toqqaviata annertussusia 300 ² najugaqarfimmik pilersitsisoqarnissaa apeqqutaassalluni. Sanaartorfissaq inissialiornissamut atorneqassappat, taassuma immikkoortup ilaani E-mi sanaartorfissani sinneruttuni aalajangersakkat immikkuualuttut malissavai.

Imm. 13: Sanaartorfissaq nr. 1 Issittumi attanneqarsinnaasumik sanaartornerup iluani misileraanermut inniminnerneqarpoq. Sanaartorneq Kommuneqarfik Sermersuomit

imaluunniit Namminersorlutik Oqartussanit aallartinneqarsinnaavoq suleqatigiissutigineqarluniluunniit. Misiligutaasumik sanaartortoqassanngippat, sanaartorfissaq 1 nammineq pigalugu illuliorfissatut makitsissutigitinneqarsinnaavoq.

SILATAI

- Imm. 14:** Sanaartukkat tamarmik silatimikkut qisummik qallerneqassapput imaluunniit silataanut qalliutit pladit qisuillu paarlakaajaallugit atorneqassapput.
- Imm. 15:** Silataanut qalipaait ilanngussaq 4 malillugu pissaaq. Silatai aamma qisuutinneqarsinnaapput suliareqqitat suliareqqitaanngitsullu.
- Imm. 16:** Seqernup qinngornerinik tigooraassutit, seqernup kissaanik nukiliutit assigisaallu illup silataani igaanut qaavanulluunniit inissinneqarsinnaapput. Eqqaani sanaartukkanut inngianartuunnginnissaat qulakkeerneqassaaq.

QALIAI

- Imm. 17:** Qaavi qernertunik pappialarsualerneqassapput imaluunniit nunatta naasuinik qallersorneqarsimassapput.
- Imm. 18:** Immikkuualuttumi B, C aamma E-mi illup qaavi 25° aamma 36° akornanni sivingatinneqassapput.
- Imm. 19:** Illup qummut killinga sumut sammitinneqassanersoq ilanngussaq 3-mi takutinneqarpoq.
- Imm. 20:** Illup qaavinut seqernup qinngornerinik tigooraassutit seqernullu kissarneranik nukissiutit inissinneqarsinnaapput taakku illup ataatsimut isikkuanut tulluarsarneqarpata aamma taakku eqqaamiorisanut akilinut sanioqquuttunullu inngiasutsitsinngippata.

SILAANNARISSARFIIT

- Imm. 21:** Silaannarissarfiit assigisaallu illuummut ilaatinneqassapput illuutillu ilusaata ilaatut akuliunneqassapput.

ALLAGARTARSUIT

- Imm. 22:** Allagartat illup silataata iigaanut inissinneqassapput annerpaamillu 1 m²-i asseqqassallugit.
- Imm. 23:** Illumi pigineqartumi pineqartumi suliffeqarfinnut illuummiittunut atasumik taamaallaat allagartaliisoqarsinnaavoq.
- Imm. 24:** Allagartarsuit atajuartussat taamaallaat suliffeqarfiup atia sammisaatalu pingaarnersaa pillugu paasissutissiissaaq.

Kommuneqarfik Sermersuumit illut silataasa isikkui, qaliaannut pilersaarutit aamma seqernup qinngorneranik nukissiuutit/katersiviit allagartarsuillu tamarmik akuerineqassapput.

3. AQQUSERNGIT AQQUSINEEQQALLU

- Imm. 1:** Immikkuualuttup ilaanut E-mut aqqusineqartitsineq ilanngussaq 2-mi takutinneqartut pissaaq.
- Imm. 2:** Aqqusinermiit sanaartukkap tungaanut ungasissusissaa aqqusernup qeqqaniit 7,5 meteriussaaq.

Imm. 3: Imm. 4:	Biiliniq inissiineq inissianut ataasiakkaanut biilinit uninngasarfissatut naatsorsuussani pissaaq. Garagiat sanaartorfissatut atugassiissutigineqartup iluani sanaartorneqarsinnaapput. Kommunimut pilersaarummut aalajangersakkat naapertorlugit biiliniq inissiivissaliortoqassaaq.
4. NUNAMINERTAT SANAARTORFIGEQQUSAANNGITSUT SUNNGIFFIMMILU ATORTULERSUUTIT	
Imm. 1:	Nunaminertat sanaartorfissatut biililluunniit uninngasarfissaattut atugassaanngitsut uninngaartarfittut imaluunniit allanngortinnagit aqqjissuussaassapput.
5. TEKNIKKIKKUT ATORTULERSUUTIT	
Imm. 1: Imm. 2: Imm. 3: Imm. 4: Imm. 5: Imm. 6:	Illut tamarmik pisortat innaallagissamut imermullu aqputaataannut aamma kuuffissuaataannut attavilerneqassapput. Nutaamik sanaartugaq, Nukissiorfiit isumaqatigiissuteqarfigalugit, ungasianit kiassarneqarsinnaavoq, innaallagissamoortumik kiassaaserneqarsinnaavoq imaluunniit avatangiisimut mingutsitsinngitsumik nukissiuuserneqarsinnaavoq. Imikoq isortoq imikorlu anartarfinneersoq tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput. Pilersuinerumut aqputit tamarmik nunamut assaanneqassapput. Ledninginik allap allanngortiterisinnaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq. Immikkoortup ilaani teknikkikkut atortulersuutit immikkoortup ilaanik pilersuinerumut atortut soorlu sakkortusaaviit, biilinit innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaatinnagit inissinneqassapput. Eqqakkat pillugit malittarisassat atuuttut malillugit nutaamik sanaartornermi eqqakkat aaneqarnissaannut inissiivissaq pilersinneqarsimassaaq.
6. NUNAMINERTAT SANAARTORFIGINEQANNGITSUT	
Imm. 1: Imm. 2: Imm. 3:	Immikkoortut sanaartornissamut, attaveqaasersuutitut allanullu atugassanngortinneqanngitsut aamma § 21.3 imm. 1 aamma imm. 2-mi ilaatinneqanngitsut sanaartorfigineqassanngillat aamma pissutsimittut isikkoqartinneqassapput. Allanilluunniit suliaqartoqarneratigut nunataasa qaavinik innarlikkat pissusaattut iliseqqinneqassapput. Nuna naasulik sapinngisamik mianersuuteqqissaarneqassaaq. Saanngutit issorlu sanaartorfissagissaanermut sanaartornermullu atatillugu peerneqartut, sapinngisamik immikkoortumi tassani atorqqinneqarsinnaasunngortinneqassapput qorsunngorsaanissaq siunertaralugu.

Imm. 4:	Saanngutaareersoq naasooreersullu, sanaartornermi kalluarneqartussat, sanaartornissaq sioqqullugu toqqortaatineqassapput sanaartornerullu naanerani ikkussuuteqqinneqarlutik.
Imm. 5:	Nunaminertat sanaartorfineqanngitsut saligaatsuutinneqassapput eqqiluutsuutinneqarlutillu. Silami inaalitsisoqaqqusaanngilaq.
Imm. 6:	Aputit katersuussimasat immikkoortumi ulluinnarni atuuffinnut akornutaassanngillat. Tamanna malinneqanngippat Kommuneqarfik Sermersooq nunaminetamik atuisussaataasup akiligaanik niffakunik allamukaasuisinnaatitaavoq.
Imm. 7:	Iliveqarfiup aamma Sermitsiap tungaanut isikkivik, immikkuualuttumi B-mi, sanaartorfiussanngilaq issiavilerneqarnissaanik periarfissaqarmat.
7. ERIAGINNINNEQ	
Immikkut ittunik aalajangersagaqanngilaq.	
8. PINNGORTITAMIK ILLERSUINISSAMIK SOQUTIGISAT	
Immikkut ittunik aalajangersagaqanngilaq.	
9. NUNALERALUNI NUNAMIK ATUINISSAMIK SOQUTIGINNINNERIT	
Immikkut ittunik aalajangersagaqanngilaq.	
10. ATAATSIMUT ATORTULERSUUTIT	
Immikkut ittunik aalajangersagaqanngilaq.	
11. PIGINNITTUT PEQATIGIIFII	
Imm. 1:	Piginnittut peqatigiiffianit aserfallatsaaliuinerit (ukiumi aserfallatsaaliineq ilanngullugu) aqqusineeqqat, nunaminertat sanaartorfiunngitsut, aqquserngit aamma immikkuualuttup iluani biilnut uninngasarfiit isumagineqassapput, namminnerlu taakku pillugit malittarisassanik aalajangersaassapput.
Imm. 2:	Aserfallatsaaliinissamik akisussaaffik (ukiumi aserfallatsaaliineq ilanngullugu) isaarissani appakaaffiusartuni, inissiani aqquteqartitsiffiusuniittut isumagissavaat. Aqqusineq appakaaffissaq tassaavoq aqqusineq, tamanit aqqutigineqanngikkaluarluni inissianut arlalinnut angallaffiusartaq. Takussutissami ataaniittumi immikkuualuttumi aqquserngit appakaaffissat pingasut takutinneqarput.
Peqatigiiffiup sukkulluunniit Kommuneqarfik Sermersooq sumi najugaqarnerminik ilisimatittuartaassavaa.	
12. AVATANGIISIMIK MINGUTSITSINERMI KILLISSARITITAASUT	
Immikkut ittunik aalajangersagaqanngilaq.	
13. SANAARTUKKAT NUKISSAMIK ATUINIKITSUT	
Imm. 1:	Nutaanik sanaartornermi piujuartitsinermik tunngaveqartumik pitsaassusissamik uuttutit siunnerfiussapput, soorlu 1.4 Pilersaarummi pingaarnerni allaaserineqartaq.
Imm. 2:	FN-ip nunarsuarmi anguniagai naapertorlugit sanaartornermi nukissiuutinik atuunikitsut ilanngullugit eqqarsaatigineqarnissaat Kommuneqarfik Sermersuup kaammattuutigaa.




14. ATUILERNISSAMUT PIUMASAQAATIT

Imm. 1: Sanaartukkat nutaat aatsaat tulluuttut naammassineqarpata atorneqarsinnaanngussapput:

- biilinut uninngasarfeqarpoq
- immikkoortoq 4 naapertorlugu nunaminertanik ataatsimoorussassanik pilersitsisoqareerpat.
- immikkoortoq 5 naapertorlugu pisortat pilersuutaannut attavilernerit pereerpata.
- immikkoortoq 6 naapertorlugu nunami sulineq naammassineqareerpat

Piffissap sanaartorfiusup tamanna ajornartissappagu immikkoortuni taaneqartut Kommuneqarfik Sermersooq isumaqatigiissuteqarfigalugu piaarnerpaamik suliarineqassapput.




KOMMUNEQARFIK SERMERSOOQ
 Sanarfinermut Avatangisinnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 3A8-4
 Kommuneplantillæg 3A8-4

ILANNGUSSAQ 1 / BILAG 1
IMMIKKOORTOQ 3A8 / DELOMRÅDE 3A8

Juuni / Juni 2021
 Uutuut / Mål: 1:3000
 A4



KOMMUNEQARFIK SERMERSSOOQ
 Sanarfinermut Avatangisinnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 3A8-4
 Kommuneplantillæg 3A8-4

ILANNGUSSAQ 2 / BILAG 2
IMMIKKOORTOQ 3A8 / DELOMRÅDE 3A8

Juuni / Juni 2021
 Uutuut / Mål: 1:3000
 A4



KOMMUNEQARFIK SERMERSSOOQ
 Sanarfinermut Avatangisinnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq XXXX-X
 Kommuneplantillæg XXXX-X

ILANNGUSSAQ 3 / BILAG 3
IMMIKKOORTOQ XXXX / DELOMRÅDE XXXX

Juuni / Juni 2021
 Uutuut / Mål: 1:3000
 A4